

證治指南卷六

痿躄 肺熱葉焦發為痿躄。蓋肺主治節而畏火者也。脾主四肢而畏木者也。房勞腎則水不制火而肺金受燬。炙烤薰肺則金不平木而脾土受尅。肺傷則不能管束一身。脾傷則四肢不為我用。而痿躄所由生焉。

內因 痿分皮脉筋肉骨五者應乎五藏。肺主皮毛。脾主肌肉。心主血脉。肝主筋膜。腎主骨髓。若勞心好色則精血空虛。嗜酒食辛則燥火炎灼。致皮膚血脉肌肉筋膜骨髓皆無液以養。無氣以動。而予痿不能舉足臂不能行。

外證 皮痿色枯毛落。呼吸喘急不止。脉痿色赤脉澹。脛縱不能任他。筋痿色蒼口苦。爪枯筋脉攣縮。肉痿色黃肉瞤。肌肉頑痺不仁。骨痿色黑耳焦。腰膝難以舉動。

辨證 痿與痺證脚氣不同。彼因邪氣成實。均多疼痛。痿屬正氣純虛。雖挾痿瘀濕熱不能與邪相拒而作痛也。故痿證不痛。凡濕熱成痿。痿軟浮腫。濕痰成痿。痿軟麻木。氣虛成痿。痿軟乏力。血虛成痿。痿軟心悸。陰虛成痿。盜汗泄精。陽虛成痿。痿軟怯寒。血瘀成痿。赤縷瘰癧。食積成痿。噎腐吞酸。剝復痿風。腸鳴弱脉法。痿多肺熱相傳。脉必軟大浮數。尺部虛弱細澹。若緊弦搏指者難愈。

治法 治痿獨取陽明。以陽明為水穀之海。主化津液變血。氣滲權谿谷而潤筋脉。其經合於宗筋。會於氣街。屬於帶脉。而絡於督脉。故陽明虛則筋脉縱。四肢不得稟氣而痿成焉。腎肝虛則精血竭。內火灼燬。而筋脉失養。亦為痿。能辨氣血陰陽之虛實。而寒熱即在陰陽虛實中。或行痰瘀。或清濕熱。瀉實補虛。治其偏勝。辨治肺熱上壅。陽不下達。故上枯下濕。上熱下寒。胃虛食少。無任寒涼虛熱。內熾切禁厚味。陰虛濕熱。而成痿弱者。虎潛丸。鶴膝風證。乃風乘虛入。大防風湯。若陰虛類風。而成鶴膝者。亦虎潛丸加減。骨痿不



證治指南卷六

痿躄 肺熱葉焦發為痿躄。蓋肺主治節而畏火者也。脾主四肢而畏木者也。房勞腎則水不制火而肺金受燬。炙烤薰肺則金不平木而脾土受尅。肺傷則不能管束一身。脾傷則四肢不為我用。而痿躄所由生焉。

內因 痿分皮脉筋肉骨五者。應乎五藏。肺主皮毛。脾主肌肉。心主血脉。肝主筋膜。腎主骨髓。若勞心好色。則精血空虛。嗜酒食辛。則燥火炎灼。致皮膚血脉肌肉筋膜骨髓皆無液以養。無氣以動。而予痿不能舉。足臂不能行。

外證 皮痿色枯毛落。呼吸喘急不止。脉痿色赤脉濇。脛縱不能任他。筋痿色蒼口苦。爪枯筋脉攣縮。肉痿色黃肉瞤。肌肉頑痺不仁。骨痿色黑耳焦。腰膝難以舉動。

辨證 痿與痺證脚氣不同。彼因邪氣成實。均多疼痛。痿屬正氣純虛。雖挾痿瘀濕熱。不能與邪相拒。而作痛也。故痿證不痛。凡濕熱成痿。痿軟浮腫。濕痰成痿。痿軟麻木。氣虛成痿。痿軟乏力。血虛成痿。痿軟心悸。陰虛成痿。盜汗泄精。陽虛成痿。痿軟怯寒。血瘀成痿。赤縷瘰癧。食積成痿。噉腐吞酸。剝復痿風。腸鳴弱脉法。痿多肺熱相傳。脉必軟大浮數。尺部虛弱細濇。若緊弦搏指者難愈。

治法 治痿獨取陽明。以陽明為水穀之海。主化津液變血。氣滲權谿谷而潤筋脉。其經合於宗筋。會於氣街。屬於帶脉。而絡於督脉。故陽明虛則筋脉縱。四肢不得稟氣而痿成焉。腎肝虛則精血竭。內火熾燔。而筋脉失養。亦為痿。能辨氣血陰陽之虛實。而寒熱即在陰陽虛實中。或行痰瘀。或清濕熱。瀉實補虛。治其偏勝。辨治肺熱上壅。陽不下達。故上枯下濕。上熱下寒。胃虛食少。無任寒涼。虛熱內熾。切禁厚味。陰虛濕熱。而成痿弱者。虎潛丸。鶴膝風證。乃風乘虛入。大防風湯。若陰虛類風。而成鶴膝者。亦虎潛丸加減。骨痿不



能起於床。金剛丸。濕熱成痿。清暑益氣湯。濕痰成痿。二陳二朮湯。加羌柏竹瀝姜汁。黑瘦人。血虛有火。四物湯。加龜板黃柏牛膝米仁。血不養筋。筋痿不能自收持。補血榮筋丸。氣虛不能統攝百骸。肢體痿軟。四君湯。加蒼朮黃柏肉桂黃耆。肥白人。氣虛有痰。六君湯。加蒼朮黃柏竹瀝姜汁。食積妨碍脾氣。不得運於四肢。導痰湯。加查翅木瓜防己。血瘀成痿。代抵當丸。痰厥乃腎虛肝逆。都氣丸。合逍遙散。陽虛痿厥。八味丸。痿厥喘痛。乃膀胱發病。五苓散。加木瓜脾濕傷腎。痿厥發逆。腎着湯。倍苓朮。加草解傷濕喘逆痿厥。小青龙去麻黃加羌活。濕熱相合。痿軟倚側清燥湯。伸不能屈。安腎丸。屈不能伸。補血榮筋丸。腰膝無力。以下消瘦。加味虎潛丸。脚膝痿弱。下尻臀皆冷。滋腎丸。肥盛蒼黑人。脚膝痿弱。潛行散。

死證 骨痿久卧不能起於床者死。

用藥 血虛四物湯。加牛膝杜仲。風加獨活秦艽。火加黃柏知母。血瘀加桃仁換赤芍。氣虛四君湯。虛甚加黃耆。虛熱補氣和中湯。腎虛地黃丸。虛熱潛虎丸。虛寒還少丹。食積成痿。枳朮丸。加查翅麥芽。濕痰成痿。二陳二朮湯。加竹瀝姜汁。成痰痿。火二陳湯。加黃芩山梔黃柏竹瀝。濕熱盛者。東垣健步丸。膏粱積熱。調胃承氣湯。鶴膝風腫。十全大補湯。陽衰陰痿。右歸丸。火鬱陰痿。知柏地黃丸。

選方

大防風湯 治鶴膝風。脉浮軟者。

熟地 五錢 人參 錢半 附子 錢半 黃耆 三錢 羌活 錢半 白芍 錢半 川芎 一錢 白朮 錢半 防風 錢半

杜仲 三錢 肉桂 錢半 炙草 五分 淮膝 三錢 水煎去渣。溫服。

足三陰虧損。風邪乘虛襲入經中。故兩膝腫大。足脛逆冷。枯細。為鶴膝風證焉。附子補真陽之虛。振三陰之氣。熟地壯少陰之水。滋五藏之精。人參扶元補氣。黃耆實衛補中。羌活通經絡以散風。防風散風。

邪以勝濕。川芎入血海。行血中之滯氣。肉桂暖營血。散經中之寒邪。白朮健脾燥濕。炙草和胃緩中。淮
膝補肝腎。壯筋骨。杜仲補腎藏。強腰膝。白芍斂陰滋血。以除膝腫也。水煎溫服。使三陰內充。則真陽布
獲。而風邪外解。膝腫無不退。足脛無不溫。何鶴膝風之足患哉。此溫補通經之劑。為足三陰虛鶴膝風
證之端方。

疝證 任木為病。男子內結七疝。乃濕熱乘虛下陷。外束寒邪。經脉收引而相搏作痛。丹溪專主肝經。以
肝主筋。下環陰器故也。然任脉起於少陰。腎氣若旺。客邪烏能為害。當知疝以腎虛。任脉不能承為本。濕
熱浸漬為標。外寒又為標之標。

內因 房勞涉水。忿怒處濕。及醉飽遠行。衝風冒雨。外着陰冷之邪。內鬱濕熱之火。乘虛下流。肝任肝性
急速。任脉收引。鬱極而發。當分痰滯飲停食積死血鬱結之實。氣虛血虛陰虛陽虛陷伏之虛。

外證 痛引睪丸。或只小腹左右牽引。或無形。或無聲。或有形如瓜。有聲如蛙。攻刺腰脇。流走胸腹。或繞
臍痛。或搶心痛。小腹結急不和。小便頻數。澹少。升於上為嘔。為吐。墜於下為腫。為脹。

辨證 寒水氣血筋狐癩為七疝。寒疝。囊冷疼痛。結硬如石。水疝。外腎腫痛。陰汗時出。氣疝。氣滯上逆。囊
脹疼痛。血疝。少腹疼痛。堅實拒按。筋疝。牽引疼痛。筋縮裡急。狐疝。入囊腫痛。歸腹即安。癰疝。腫大皮頑。暴
發痛悶。前陰突出。後陰痔核。女子之疝。臍傍鈞痛。為小腸氣。臍下繞痛。為腎氣脹。陰囊重墜。為偏墜。外腎
堅頑。為木腎囊熱。多縱多痛。囊寒。多縮多痛。囊濕。多腫多下墜。疝虛亦下墜。寒邪外束。頭疼寒熱。內鬱濕
熱。陰囊紅腫。勞傷肝脾。下血囊瘦。肝腎勞傷。囊痰遺濁。痛而下上。邪因氣逆。痛而下墜。元氣之陷。左丸屬
水。納左之血者肝。右丸屬火。納右之氣者肺。諸寒收引下注。左丸多痛。諸氣聚濕下注。右丸多腫。無形疝
痛。四氣七情。疝痛有形。痰瘀食積。日久成積。附臍上下左右。為癥。為瘕。或變瘰癧。或發奔豚。濕熱下乘。囊

出白液。陽旺陰衰。強中陰挺。肝經風濕。疣瘡頑麻。為腎囊風證。

脉法

肝脉大急沉為疝。尺脉弦緊為寒疝。跌陽脉虛遲為虛疝。疝脉牢急者生。弱急者死。

治法

寒邪束熱者。解散外寒。疎導內熱。祛逐肝經濕熱。消導下焦瘀血。寒因熱用。則邪易伏。寒積下焦。非大辛大熱。不能搜滌其沉寒熱鬱。肝經非大苦大寒。為能清利其痼熱。

辨治

邪之所湊。其氣必虛。留而不去。其病為實。必先滌其邪。然後議補。陰邪固結。寒氣上攻。非參薑朮桂不能破其堅壘。勞役傷中。吐瀉重滯。非參朮桂附。何以挽其狂瀾。寒疝繞臍痛。大烏頭煎。寒疝腹中痛。當歸生薑羊肉湯。寒疝腹痛身疼。抵當烏頭桂枝湯。濕熱內盛。寒束厥陰。宜枳實桃仁山梔吳茱萸山查生薑煎服。濕勝癰疝。加荔枝核痛甚。加鹽水炒茴香。痛處可按。加桂。寒熱分解。烏頭梔子湯。元氣衰微。加入參白朮。佐以木香砂仁。腎疝。酒煮當歸丸。全蝎治毒風要藥。川棟小茴。皆入小腸。當歸延胡。活血止痛。衝疝。天台烏藥散。鉄鏽水調。甚則禹功散。加泡姜枳實青皮。狐疝。出入腹中。蜘蛛散。癰疝。桂苓丸。加厚朴蒼朮黃柏。水疝。五苓散。換蒼朮。加枳實柏皮。木腎二妙散。加肉桂吳茱萸半夏枳實生薑。厥散。當歸四逆湯。筋疝。龍胆瀉肝湯。去生地。加桃仁橘核吳茱萸。偏墜初起。香橘散。加川山甲。或穿山甲為末。酒調下一丸。縮入按捺方得還舊。內用木香汁。外用牡蠣灰。良姜等分。為末。津調塗。陰虛偏墜。一味敗龜版為末。茴香湯調下。風入厥陰。加醋炒蠟梢三分。小腸氣。天台烏藥散。小腸氣連腰痛。屬腎虛。喝起丸。膀胱實熱。加味通心散。膀胱氣不得小便。五苓散。加川棟茴香葱白。煎入鹽少許。疝因食積。立效散。疝因瘀血。酒煮當歸丸。去丁香。加桃仁泥。疝因風與濕熱。九味蟠葱散。疝痛勢急。酒炒黃柏。醋炒青皮。全延胡益智桃仁蒼朮香附茴香。鹽水炒附子。甘草作湯。服後一痛。再不更發。寒疝。用茴香一觔。生薑二觔。搗自然汁。收盡入青鹽二兩。炒燥為末。絹包。分二分熱熨。寒疝痛急。引小腹。及罌丸偏縮。胡椒十餘粒。為末。搽黑膏。烘熱貼陰囊。其痛

立止。患疝人忍小便入浴，揉令腹中和暢，出浴即小便，使寒濕乘熱從溺發泄。若疝氣入湯，反從小腹上冲者，即奔豚氣。

危證

疝久虛甚，上為吐逆，下有遺精者，危。咬牙戰慄，冷汗反張，痛甚，服藥不應者，死。

用藥

二陳湯寒加吳茱萸、肉桂、川棟、小茴、水加猪苓、澤瀉、蒼朮、防己、氣加青皮、香附、烏藥、木香、血加桃仁。

紅花當歸延胡、筋疝加黃柏、山梔、大豆、龍胆、狐疝加升麻、柴胡、蒼朮、台烏、癰疝得於母腹，或自幼經久，俱不必治。暴發初感，參前六法。癰加靈脂、痰加海石、鬱加木香、虛加故紙、紅腫加赤芍、山梔、冰冷加乾姜、吳茱、積濕多汗，倍蒼朮，加白芷、濕鬱成熱，加木通、澤瀉、中焦虛弱，四君子湯，加川棟、小茴、下焦虛冷，八味、茴香丸，或八珍湯，加肉桂、沉香、濕熱為疝，瀉南補北，不可輕用烏頭、附子。

選方

大烏頭煎

治寒疝繞臍痛，自汗厥冷，脉沉緊者。

大烏頭一枚炮去皮臍

水三升，煮去一升，去渣，納白蜜一升，煎令水氣盡，約一升，強者服五合，弱人三合。

小腸分化之陽氣不振，寒邪得以襲入經中，故自汗厥冷，乃成寒疝繞臍痛焉。大烏頭壯真陽以禦寒，兼擅祛風逐濕，為除疝峻藥，入白蜜以潤燥益虛，緩中止痛，強者五合，弱人三合，此量體制宜，不使邪氣留而不去，元氣虛而不支，此攻邪安正之劑，為寒疝痛急之端方。

疝痛急救法

用硫黃一兩，鎔投水中去毒，入荔支核三兩，陳皮一兩，各炒全研細末，酒調溫服三錢，以

壯陽散滯，暖腎和中，而疝自平矣。

寒疝痛

用仙人對坐草一兩，青木香一兩，酒浸搗汁，和酒溫服，能溫經散滯，除痛愈疝。

疝痛塊物上冲，用火煨牡蠣二兩，炒黃，乾姜一兩，為末，入射少許，醋調塗臍，小水大利，即緩。

囊腫如斗

用木鼈子七粒。皂角二條。煨黃。延胡索五錢。炒川椒一合。去目炒。共為細末。燒酒調塗囊上。絹帛包扎。更以經霜楮葉一筋水煮。入大罈內。乘熱坐上。薰其囊。溫即洗之。効。

五葉洗疔法

枇杷葉

野蘇葉

花椒葉

蒼耳葉

水晶葡萄葉

各一握

共煎

熱湯

薰洗

脚氣

傷於濕者。下先受之。故脚氣之疾。乃水濕之所為。其中有挾痰挾火。陰虛血虛。氣虛。陽虛之不同。

內因

勞碌犯房。肝腎虧損。乘虛襲入風寒濕熱。而膝膕軟弱。煩疼。或醇酒厚味。損傷脾胃。則痰飲濕熱

下注。而足脛紅腫疼痛。均謂之脚氣。

外證

頭疼身痛。發熱惡寒。入腹則上升而嘔吐。心煩脹悶。昏昧妄言。與傷寒相似。但脚氣初起。必先足

脛紅腫疼痛。或膝膕枯細。疼軟為異。

辨證

北方高燥。多酒酪。內傷之濕。南方卑濕。多嵐瘴。外襲之濕。然南北雖分。不可拘執。蓋南宜無瓜巢

之內傷。北宜無雨露之外襲。凡濕脚氣。筋弛浮腫。乾脚氣。枯細筋縮。或濕熱盛而肢熱。或寒濕甚而肢寒。

肥人多濕。痰生熱。瘦人多陰。虛有火。邪襲三陽。則類外感。邪襲三陰。則類內傷。自汗走注為風勝。無汗掌

急為寒勝。腫滿重着為濕勝。煩渴溺赤為熱勝。膏梁之火下乘。則頑痺疼痛。重。腎肝之陰不足。則疼軟枯細。

足脛紅腫不痛。上引至膝。是腎火挾濕。乃為濕火。亦脚氣之漸。環跳穴痛。營氣不能榮貫也。防生附骨癰

疽。湧泉穴痛。精血不能灌注也。多屬腎家虛乏。

脉法

浮弦起於風。濡弱起於濕。洪數起於熱。遲瀼起於寒。脉沉隱伏。邪着筋骨也。邪留血分。指下瀼瀼。

治法

濕宜滲利。熱宜清徹。上升宜降。下陷當升。表證兼發散。裡證兼攻下。毋太過。毋不及。太過則損及

腎肝。不及則邪終不去。



辨法 脚氣古稱壅疾。忌甘溫壅補湯藥淋洗熱蒸多汗。足脛冷痛為濕溫。脚氣多從肝腎虛而得之。肝虛四物湯加黃柏木瓜腎虛地黃湯加黃柏草薢脾虛二陳二朮湯表實小青龍湯加枳柳裡實五子五皮飲加木瓜初得脚弱竹瀝湯炙後八風散虛熱虎潛丸虛寒八味丸加車前牛膝風勝越婢加朮湯寒勝酒浸牛膝丸濕勝除濕湯冷痛不可屈伸千金獨活湯寧弱不能屈伸千金烏頭湯濕勝拔毒清燥湯加木瓜身疼發熱小續命湯加木瓜邪襲三陽脚腫敗毒散加蒼朮邪注三陰脚痛八味丸加沉香脚氣入腹千金半夏湯脚氣沖心沉香導氣湯脚氣煩悶木通散脚氣喘急蘇子降氣湯下養正丹脚氣迫肺喘嗽小青龍湯加枳柳脚氣攻胃嘔逆平胃散加枳柳便閉加大黃脚氣煩熱腫痛犀角散小腹作痛煩熱金鈴子散加茴香酒炒黃柏脚氣腫痛千金草薢麻葉裏法脚氣成漏人中白火炙敷瘡口脚氣上冲簪石一斤酸漿水煎三五沸浸脚良

死證 脚氣上攻喘急汗多脉短者死入心恍惚脉乍大乍小乍有乍無者死入腎額黑遺溺尺脉絕不

用藥 脚氣有寒有熱初宜辛溫疎散繼宜苦涼清利二朮以燥濕知柏以清熱當歸白芍以養血木香

枳柳以行氣羌活獨活利關節羌活風濕防己牛膝消腫痛引葯下行氣虛肥白宜補氣血虛黑瘦宜養陰濕熱痰瘀壅滯非川烏桂附不能行經散結氣下陷羌獨升葛以升之氣上冲知柏已解以降之赤腫為濕熱赤芍苦參防己草薢清之漫腫為寒濕乾姜肉桂蒼朮厚朮溫之實熱便閉大黃枳柳下之食積下流神麴麥芽消之脾虛濕注山藥米仁補之表證宜汗麻黃佐經湯裡證宜下加味澤瀉湯表裡雙解大黃佐經湯理氣大腹皮散調血以米仁酒入腎牛膝散加大黃入心八味丸易生地濕火二妙散加防己草薢脚心痛六味丸加龜板鹿茸附骨癰疽大防風湯外以龍膏貼之

選方

大聖散 治氣虛脚氣脈虛者

人參兩半 黃芪三兩 炙草一兩 麥冬三兩 當歸二兩 川芎一兩 茯苓二兩 木香一兩 木瓜二兩

為散酒服三錢

氣虛下陷清陽不升不能運化精微血氣無以下達故成虛脚氣軟弱焉人參扶元補氣以壯腎黃耆補氣舉陷以雄脾炙草緩中氣茯苓清治節麥冬潤心肺生腎水當歸養血脉榮脚膝川芎入血海行氣木香醒脾胃調中木瓜舒筋絡以臻躡捷也為散酒服使氣舉血榮則脾胃健旺而步履如常何脚氣軟弱之不痊哉此扶元舉陷之劑為虛人脚氣氣陷之端方

洗脚氣方

川椒一兩 葱頭三十枝 生姜八兩 煎湯乘熱洗之可愈寒濕脚氣

厥證 卒然昏冒不省人事為厥手足逆冷亦為厥厥乃氣逆而陰陽不相順接也移熱移寒皆能發厥或伏熱深而戰慄或虛寒甚而發躁不獨手足厥冷而已

內因 氣血灌注於經脉之間刻刻流行綿綿不息一晝夜當五十度周於身或六淫外客七情內傷氣痰食皆能阻遏其運行之機陰陽二氣不相接續而厥作也

外證 卒然倒仆昏不知人手足冰冷色脫口噤狀若中風但無歪斜搐搦之異

辨證 厥有多端無過陰陽虛實實厥便閉口噤虛厥泄瀉口張陽厥是陽邪內陷陽極發厥陰厥乃陰

盛迫陽陰極發躁陰氣衰於下則為熱厥陽氣衰於下則為寒厥煎厥水虧火亢如煎如熬薄厥寒熱氣逆血菀於上氣厥暴怒傷陰氣逆發厥血厥跌撲損傷血瘀發厥痰厥痰隨氣升厥冷吐涎食厥食填中腕脹悶發厥尸厥死問喪卒然發厥就厥胃寒膈熱肢冷吐衄歪斜暴仆身溫為中風腹痛口噤肢冷



為中寒。乘涼卒倒。面垢為中暑。冒熱僵仆。遺溺為中熱。冒雨僵仆。汗多為中濕。其毒番痧。悶絕為中惡。體厥吐瀉暴死。為亡陽脫元。男女交接暴死。為走陽脫陰。

脉法 氣口沉實滑大為痰。氣食厥虛微弦濇為陰。陽虛厥疎數無常是尸厥。沉細無力是蛇厥。浮大者風緊細者寒。乳數暑熱。促結瘡濕。濇滯血逆。無脉脫元。

治法 降痰順氣。開痰消食。熱厥補陰。寒厥補陽。中濕崇土。中惡辟穢。尸厥辟邪。蛇厥安胃。脫元走陽。補接導引。諸中治法。各詳本門。

辨治 陽厥四逆散。甚則三黃石煮湯。陰厥理中湯。甚則四逆湯。寒厥三建湯。加人參。熱厥人參白虎湯。煎厥清暑益氣湯。薄厥犀角地黃湯。風厥地黃飲子。中暑冷香飲子。中喝如神白虎湯。中濕求附湯。中惡蘇合香丸。尸厥二氣丹。走附參附湯。加鹿茸。脫元參附湯。加熟地。脫陰參附湯。合龜鹿二仙膠。

死證 入府身溫微汗者。生入藏身冷唇青者。死。冷過肘膝者。死。指甲青黑者。死。九竅出血者。不治。二便遺出不知者。亦不治。

用藥 陽厥四逆散。陰厥四逆湯。熱厥地黃湯。寒厥八味丸。煎厥地黃湯。加知柏龜板。或黃耆人參湯。倍麥冬五味。薄厥犀角地黃湯。或八味順氣散。痰厥導痰湯。加姜汁竹瀝。尸厥平胃散。合香丸。食厥二陳湯。加枳朴查曲。蛇厥理中湯。加烏梅花椒。氣厥烏藥順氣散。血厥桃仁承氣湯。陽明實厥調胃承氣湯。醋炭薰鼻。葱餅熨臍。俱可急救。

運方

黃耆人參湯 治氣虛陰火發厥。脉軟數者。

人參 錢半 黃耆 三錢 生地 五錢 熟地 五錢 麥冬 三錢 五味 錢半 天冬 三錢 黃柏 錢半 鹽 水炒

登台告南 卷六 厥證

水煎去渣溫服。原方有白朮當歸陳皮恐助陰火故去之。
元氣虛衰不能收攝陰火而神明失其主宰故昏昧無知。卒仆發厥焉。人參扶元氣以攝火。黃耆補中
氣以退熱。生地滋陰壯水。熟地滋腎補陰。麥冬清心潤肺。天冬潤肺益陰。五味收耗亡之氣。炙甘草緩上
炎之火。黃柏以清相火之上逆也。使陰火下潛則元陰完復而神志清靈。虛熱無不退矣。此補氣攝火
之劑。為氣虛火厥之方。



證治指南卷七

泄瀉 濕勝則濡瀉以脾土受濕不能滲化致傷闌門元氣故水穀不分併入大腸而泄瀉蓋泄者大便溤泄瀉者大便直下略分輕重總屬脾虛

內因 胃氣和平飲食入胃精氣輸脾歸肺分布百脉而成管衛何泄瀉之有若飲食不節太淫外侵則脾胃受傷而清濁不分傳化失職其上升精華之氣反下降而為泄瀉

外證 脾泄腹滿腸鳴食入難化胃泄色黃厭食食已欲吐大腸泄色白泄已窘迫小腸泄色赤溲溺不利肝泄色青腸鳴切痛腎泄色黑腰痛脛痠

辨證 餐泄完穀不化是火不生土也溤泄澄徹清冷乃濕勝兼寒也濡泄滴多清水是濕勝兼風滑泄瀉利不禁乃氣虛濕勝洞腸泄大孔如竹筒關門不閉也直腹泄食入即瀉出此藏氣失守大小便易位而出為交腸泄乃氣虛不能分泌也五更時必泄瀉者腎虛不能攝納津液也食積泄瀉必噯酸瀉臭惱怒泄瀉必腹痛面青痰泄直下瀉沫胸悶火泄暴注腥穢焦黃氣泄痞悶去不通泰虛泄倦怠時下微溤酒泄每飲必瀉濕熱下注也潔泄數日一瀉飲食雖蓄也暴注不化為無水乃火性急速邪熱不能殺穀也溤泄日久為無火乃水性潤下邪水不能歸原也腹痛因瀉而減為實既瀉痛不減為虛痛一陣瀉一陣瀉赤瀉滯為熱痛一陣瀉一陣瀉白滑利為寒暴瀉揮霍撩亂名霍亂暴瀉麻痺厥脫是番痧腸鳴煩渴為火孽腸鳴清瀉為水攻完穀不化色必淡白若因火性急速色必焦黃氣衰不磨色淡不臭風邪動藏色青帶沫

脉法 脉滑按之虛者必下利數實火迫遲細寒侵緩必濕盛弱防虛脫大率沉緩和軟者生浮大者瀉

治法 瀉皆由濕初宜分利中焦次宜滲利下焦久而滑脫不禁然後澀之風勝當以解表寒勝專主溫

中虛弱補益食積消導濕淫風藥以勝之火淫清涼以折之痰飲宜湧吐下陷須升提

辨證

一曰淡滲使濕從小便而去則大便可自實所謂治濕不利小便非其治也二曰升提鼓舞胃氣

上騰則注泄自止所謂下陷者舉之也三曰清涼苦寒洗滌燔熱則暴注下迫自止所謂火熱者清之也

四曰疎利疎通藏府閉塞則三焦實瀉自止所謂實者瀉之乃通因通用仍是通因塞也五曰甘緩瀉利

速疾甘以緩其下趨之勢所謂急者緩之也六曰酸收瀉利久而氣散不收者酸以收其統攝之權所謂

散者收之也七曰健脾脾虛瀉利者燥濕健脾乃治瀉之原所謂虛者補之也八曰溫腎腎主二便火不

生土非行溫補則瀉何由止所謂寒者溫之也九曰固澁瀉利日久滑脫不禁不用固澁則瀉無定期所

謂滑者澁之者脾鬱不伸清陽下陷而泄瀉者宜開鬱升陽而瀉自止肺熱閉固奔迫大腸而泄瀉者

宜清金降火而瀉自止瀉因邪實當分消溲溺瀉少宜利水小便若利只宜燥脾津枯燥瀉當升補回津

瀉水腹不痛者為濕升陽除濕湯或胃苓湯加葛根腸鳴腹中陣痛瀉焦黃為火熱黃芩芍藥加香連痰

瀉胸悶二陳湯加香蒼腹痛甚不瀉得瀉痛減為食積保和丸加葛根虛寒不化腹痛泄瀉者枳實理中

湯去枳實加香朴附子餐泄食不化四神丸加木香訶子濡瀉乃風干胃府土陷木乘升陽除濕湯驚瀉

清冷如鴨澹理中湯加桂附煨木香洞泄肛門不收真人養藏湯去當歸肉桂加炮姜烏梅五味子滑瀉

不禁四柱散不應六柱散直腸瀉食入輒下完穀參附理中湯加訶子肉果煨木香熱瀉煩渴五苓散加

阿膠滑石寒瀉嘔吐理中湯加肉桂升麻寒瀉腹痛理中湯加木香桂附熱瀉腹痛連理湯加木香滑石

傷暑暴瀉多汗厥冷漿水散暑外寒內連理湯積結瀉腹中絞痛平胃散加消積藥傷酒泄瀉葛花解醒

湯酒積瀉二陳湯加川連紅麴陳酒麴糊丸有血去半夏加白芍脾虛頓瀉胃苓湯加香砂虛寒理苓湯
加木香益智氣泄痞滿腹急腸鳴木香調氣散虛泄口渴錢氏白朮散水泄溺閉五苓散腎虛泄瀉加減

八味丸瀉由肺不傳化春澤湯食積內結發熱泄瀉消導藥中加香連乾葛不應加大黃寒積備急丸香
痧寶花散加調中藥霍亂及不伏水土者俱藿香正氣散脾結氣陷泄瀉道遠散去當歸加升麻木香不
應補益氣湯加木香訶子元氣下陷久瀉脫肛補中益氣湯加栗殼烏梅五味肉果老人腹脹泄瀉丸味
資生丸氣陷泄瀉補中益氣湯加羌防泄瀉氣脫參附湯急灸海穴五更泄瀉八味丸虛損泄瀉六味丸
治禁泄瀉非大虛不可驟用甘溫膩補恐大甘則生濕大補則資壅熱瀉不可純用苦寒大苦則傷脾
大寒則傷胃兎泄不可太早恐餘邪留滯則下利漫無止期滲利不可太過恐津枯陽陷反成膈氣噎塞
死證脉細皮寒少氣泄利前後飲食不入是為五虛死腹滿肢寒脫形泄甚為逆不及一時死上吐下
泄不止為陰陽俱脫必死

用藥

白朮湯為主痰加半夏陳皮濕加蒼朮澤瀉火加黃連白芍寒加炮姜益智風加羌活防風食加

神麴山查氣加厚朴木香氣虛加人參黃芪氣陷加升麻柴胡泄久脾虛飲食不化加乾姜麴炭於參朮
藥中滑泄不禁參朮加肉果訶子附子炮姜夏月暴注香薷飲合益元散五更洞泄四神丸加參朮參附
寒甚者漿水散經年脾泄桂香丸椒附丸腎泄八味丸陰虛泄瀉六味丸肺熱移腸黃芩地骨阿膠百合
沙參炒銀花煎服酒濕下注四苓散加葛花或金匱澤瀉湯加草薢久瀉脫肛補中益氣頻服探吐

選方

白朮湯

治脾虛泄瀉脉緩者

白朮

三錢

茯苓

三錢

炙甘草

錢半

水煎去渣

溫服

瀉由乎濕脾土虛弱不能製禦於中故偏滲大腸泄瀉不止焉白朮崇土燥濕茯苓滲濕和脾炙草緩
中益胃兼益中州之氣也水煎溫服使濕去土強則脾能健運而敷化有權泄瀉無不自止矣此健脾
滲濕之劑為脾虧泄瀉之端方

痢疾 飲食不節起居不時陰受之則入五藏閉塞滯下為腸澼滯下者氣食滯於下焦腸澼者濕熱積於腸中故無積不下利痢乃濕熱食積三者

內因 生冷油膩滯於胃濕蒸熱鬱積於腸風寒暑濕動其穢濁而成痢多發於夏秋者以脾主長夏脾受寒暑胃氣不化至秋天令清肅肺金受邪下傳大腸而為下痢

外證 或膿或血或膿血相雜或純腸垢或無糟粕或糟粕相雜雖有痛不痛大痛之分然皆裡急後重窘迫惱人初起頭疼身痛發熱惡寒為表實心煩口渴腹脹嘔逆為裡實

辨證 下痢身不熱者輕身熱者重熱不止者死能食者輕不能食者重絕不食者死先瘧後痢為陽邪傳裡為重先痢後瘧乃陰邪傳表為順瘧痢兼作表裡合病為甚時疫痢一方盛行長幼相似每多傳染

噤口痢 毒瘀胃口執董清道絕不思食氣滯痢胸滿腹膨下如蟹渤窘迫殊甚食積痢腹痛惡食得薑稍減下多稀糜瘀血痢小腹硬痛小便自利下多紫黑蟻虫痢腹痛攻絞面黃白班頻下虫積陰虛痢陰火

煎熬小腹急痛下多紅水虛滑痢經久元虛滑脫不禁下多清稀胎前痢胎動腹痛下多白膿若兼血痢胎息多墮產後痢瘀逆腹痛下多紅膠身熱嘔逆勢險難療休息痢時止時發經年不痊每成痼疾頭疼

身熱為邪傳裡腹脇疼痛為裡積滯暴痢嘔吐為邪氣逆久痢嘔吐為胃氣傷痢從火化則陽土有餘而濕熱為病痢從水化則陰土不足而寒濕為病先痢後瀉腎傳脾為微邪為順先瀉後痢脾傳腎為賊邪

為逆腹痛窘迫為邪盛腹痛拘急為血虛急痛拒按為實腹痛喜按為虛煩渴喜冷為熱口乾喜熱為寒溺短黃赤為熱溺短清白為寒裡急沾衣是火性急速裡急虛坐乃血液空虛後重窘迫為氣滯後重下

滯為氣虛暴痢脫肛大腸濕濕火久痢脫肛元氣下陷積色白者為寒熱傷氣而色赤亦赤為熱寒傷血而色亦赤純下血水為風白如豆汁為濕腸垢是藏府膏液散血乃陰絡損傷淡黃挾亡為食積青紫焦



中國醫藥大學圖書館藏

黃是熱傷紫黑焦枯為熱毒紫黑光亮為宿瘀紫黑血塊為瘀血紫黑塵腐為藏傷如魚腥乃脾失運而陳積不化如凍膠是腸胃冷而真液下脫塵腐如屋漏水胃液敗而生陽已絕暗暗如爛猪肝藏府壞而百脉皆傷
脉法下痢白沫脉小滑能食者吉洪大急疾厥冷者凶久痢脉和軟者生浮大無根者死下痢膿血脉數軟滑者生數實強強者死久痢脉宜芤遲虛細不宜數大滑實噤口痢脉數實可治小弱流利當作胃虛小弱遲微為胃絕不治

治法和血則便膿自愈調氣則後重自除因於濕熱者清之利之因於積滯者消之化之因於氣者調之行之因於血者和之破之表邪內陷者汗之積滯裡實者下之新利實者可通因通用久痢虛者可塞

辨治

初痢忌兜澀久痢忌攻擊氣本下陷而再行其氣後重不益甚乎中本虛衰而復攻其積元氣不

愈竭乎濕熱傷血者自宜調血若過行推蕩血不轉傷乎津亡作渴者自宜止瀉若但用滲利液不轉耗

乎脉來微弱者可補形神衰薄者可補病後而利者可補因攻而劇者可補脾虛者當補脾脾氣運而積

自化腎虛者當補腎腎氣固而痢自止若痢久火衰土位無母不用桂附大補命門以復胃中之陽以救

脾家之母則門戶何由而固真元何由而復耶下痢詰語有燥屎小承氣湯火虛土陷下痢便膿血桃花

湯厥熱亡陰熱痢下重白頭翁湯肺液耗傷下痢肺痛紫參湯氣痢肺液下泄訶黎勒散胃中冷下痢嘔

逆厚朴乾姜吳茱萸香煎服虛者附子理中湯痢黑焦臭為熱極黃芩芍藥湯下香連丸痢黑光亮為瘀

血桃承氣湯寒暑下痢姜茶飲白痢倍生姜赤痢倍芽茶白痢初起胃苓湯加乾葛香砂赤痢初起小建

中湯不瘥黃芩芍藥湯加黑荆阿膠血積膿厚如黃連痢如猪肝理中湯加香桂肉果烏梅血鮮濃厚大

黃黃連瀉心湯升食積痢枳朮丸加香朴神麴山查發熱再加黃連風傷腸胃清血旋澄胃風湯加荊芥防

風湯風入腸胃痢色青綠神朮湯加升麻裡急甚小承氣湯裡急微黃芩芍藥湯後重乃濕熱內滯升陽

除濕湯。元氣下陷者。補中益氣湯加木香益智。久痢虛滑。真人養藏湯。白痢腹痛。二陳湯。加痢姜厚朴焦
朮木香。赤痢腹痛。香連丸。加白芍甘草肺氣鬱於大腸腹痛。裡急理氣。薤白加甜桔梗。下痢如膠凍。如鼻
涕如魚腦。焦朮厚朴炮姜木香煎服。虛人理中湯加香砂益智。白痢脈遲。腹脹。枳實理中湯。加木香肉桂。
白痢四肢厥冷。附子理中湯。加肉桂木香。痢久。千金溫脾湯。久痢肛門枯澀。千金羊脂湯。痢久不止。千金
附子湯。冷痢虛滑。脫肛。參附理中湯。加粟穀。訶子肉桂。肉果。臍下痛。大桃花湯。熱痢久不止。厚朴湯。久痢
四肢沉重。椒艾丸。下痢發熱。倉廩湯。時疫痢亦宜。倉廩湯陰虛痢。滑泄煩渴。或下鮮血。駐車丸。阿膠丸。歸
連丸。阿膠梅連丸。千金黃連湯。黃連湯。黃連阿膠湯。白頭翁。加黃連阿膠湯。痢下傷津。發熱煩渴。錢氏白
朮散。加烏梅。下痢失氣。當利小便。五苓散。加木香。下痢大孔痛。黃耆建中湯。加麥冬五味阿膠。燒虫痛。理
中湯。加烏梅。香連不應。用烏梅丸。下痢後浮腫。五苓散。倍朮桂。加升防。虛浮。六君子湯。加木香肉桂。冷熱
不調。下痢赤白。連理湯。加木香砂仁。下痢乾嘔。外臺黃芩湯。先白痢後膿血。戊己湯。先白痢後鮮血。四物
湯。換生地。加炙草。痢姜。先膿血。後白沫。白膿。補中益氣湯。加炮姜赤石脂。瘡後發痢。黃耆建中湯。加木香
厚朴。痢後發瘡。補中益氣湯。加乾姜肉桂。久痢年高。產後病後。及瀉後作痢。俱宜補中益氣。加炮姜。有血
加烏梅。白芍。妊娠白痢。甘草乾姜湯。加厚朴砂仁。木香茯苓。妊娠赤痢。千金三物膠艾湯。赤白相兼。連理
湯。加膠艾。胎前產後諸痢。駐車丸。千金黃連湯。白頭翁。加甘草阿膠湯。噤口痢。人參川連石蓮萸蒲粳米
姜汁煎濃。細細呷之。得一口下咽。即效。或香連枳朴煎服。熱毒甚者。甘草瀉心湯。虛寒積滯。枳實理中湯。
休息痢。補中益氣湯。加肉果木香煎湯。吞駐車丸。有積。加枳實炮姜查肉。脚弱脛腫。疼痛。大防風湯。痢後
痺痛。補中益氣湯。加羌活虎骨續斷。痢後呃逆。虛寒理中湯。加丁香。虛熱。橘皮竹茹湯。加柿蒂。

〔死證〕

下痢純積者。以痢色塵腐者。危。積散如屋漏水者。死。如魚腦如猪肝者。半死。半生氣短呃逆不止。